



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memoræ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

continens Impedimenta Et Adjumenta Æternæ beatitudinis

**Dirckinck, Johann**

**Coloniae Agrippinae, 1713**

31. Medium XVIII. Tuba æternitatis.

[urn:nbn:de:hbz:466:1-50716](https://nbn-resolving.org/urn:nbn:de:hbz:466:1-50716)



Decembris 30.

339

germinis saporem. S. Fulbertus Episc.  
Carnotensis. Epist. 1.

CONSIDERATIO XXXI.

Medium XVIII. Æternæ Salutis.

Tuba æternitatis.

*Fas tibi duas tubas argenteas ductiles.*

Num. c. 10. 2.

30. Decembris.

I. **C**onsidera Deum in lege veteri Numerorum c. 10. 2. iussisse per Moysen fieri duas tubas argenteas, quibus dum Sacerdotes clangerent 1. populum monerent, movenda esse castra. 2. Ut populum convocarent & incitarent ad bellum. 3. Ut eundem ad sacrificia, festaque solennia accerserent. Per has tubas sacrarum literarum Interpretes, intelligunt minas inferni, & promissiones cæli, quas populo jugiter insonare debent, verbi divini præcones; ut æternitatis damnatæ metu, ac felicitatis æternæ spe, corda hominum feriant & compungant. Ut sic metu perterriti & spe allecti I. Moveant castra, progrediantur-

P 3

que



340 *Domus aternitatis. Consideratio*  
que in virtutibus, ac mandatorum divi-  
norum observatione, donec in terram  
promissionis veniant. 2. Incitent ad bel-  
la inferenda vitiis & concupiscentiis,  
donec ea expugnent. 3. Convocent ad sa-  
crificia & solennia festa, ad cultum divi-  
num, ad Sacramentorum frequentatio-  
nem, ad festivorum dierum observatio-  
nem, donec ad festum æternum, solennissimum-  
que in cælo celebrandum, emigrent.

II. Hoc est officium Sacri Oratoris  
seu Ecclesiastæ, ut geminas hasce tubas  
assiduè inflet; hoc enim clangore ad vir-  
tutes sectandas, pœnâsque peccatoribus  
intentatas evadendas, nihil efficacius.  
Convenit illi, quod Deus Isaia c. 58. 1.  
dixit: *Clama ne cesses, quasi tuba exalta  
vocem tuam, & annuntia populo meo sce-  
lera eorum, & Domui Jacob peccata eo-  
rum.* Clamandum est illi contentâ, lono-  
râ, forti voce, quasi tubæ, & annuntian-  
da populo scelera, at scelerum supplicia.  
Non enim est tibia ad voluptatem &  
plausum modulans: sed tuba, ut classi-  
cum canat, ad arma, ad bellum, contra  
peccata & concupiscentias jugiter in-  
eun-



eūndum. *Docente te*, ait S. Hieronymus epist. ad Nepotianum, *in Ecclesia; non clamor populi; sed gemitus suscitetur; lacrymæ auditorum, laudes tue sint.* Ad quod obtinendum quid clangore tubæ æternitatis beatæ ac damnatæ, efficacius? *Hæc est vox Domini in virtute, vox Domini confringentis cedros; vox Domini intercedentis flammam ignis.* Psal. 28.

III. *Quasi tuba exalta vocem tuam.* Talis tuba, argentea, aut aurea potius, fuit Christus Redemptor noster, & præmia æterna, & perpetua tormenta toties inculcans: *Pœnitentiam agite, appropinquavit enim Regnum cælorum.* Matth. c. 4. 17. Talis tuba fuit S. Joannes Baptista: *Progenies viperarum inquit quis demonstravit vobis fugere à ventura ira? Congregabit triticum suum in horreum; paleas autem comburet igni inextinguibili.* Matth. c. 3. Talis tuba fuit S. Petrus, clangorem similem dans: *Sol convertetur in tenebras, & luna in sanguinem: antequam veniat dies Domini magnus & manifestus: Salvamini à generatione ista prava.* Acto- rum c. 2. 20. & 40. Talis tuba fuit S. Pau-



342 *Domus aternitatis. Consideratio*  
lus Apostolus, qui ut ait S. Hieronymus,  
fuit *tuba Evangelii, tonitru Gentium,*  
*rugitus leonis.* Actorum c. 24. 25. *Dispu-*  
*tante illo (Paulo) de justitia & castitate, &*  
*de judicio futuro, tremefactus Felix.* Talis  
tuba fuit S. Jacobus & S. Joannes, qui  
propterea à Christo vocati sunt *Boaner-*  
*ges,* id est Filii tonitru. Marci c. 3. Talis  
tuba fuit S. Chrysostomus, S. Dominicus,  
S. Vincentius, S. Antonius Paduanus &  
alii, non verborum phaleris sed assiduo  
clangore, ad timorem & amorem, me-  
tu pœnarum & spe præmiorum popu-  
lum excitantes:

*Paranesis.*

**O** Verbi divini Prædicatores! veniam  
mihi date, ut ego verbis paucis præ-  
dicem: vobis, clangite tubâ in Sion: quasi  
tuba exaltate vocem: sed prius prædi-  
cate exemplo: Christum Dominum imi-  
tantes; qui *cœpit facere & docere:* ante  
omnia prædicare vitâ: ne vobis jurè og-  
geratur, quod Pharisæis hypocriticis:  
*Dicunt & non faciunt.* Turpe est Docto-  
ri, cum culpa redarguit ipsum. Vita ve-  
stra



stra sit fulgur splendens virtute : & vox  
 vestra erit tonitru , corda feriens ac mo-  
 vens suâ efficacitate : alioquin eritis ve-  
 lut æs sonans & cymbalum tinniens ;  
 unâ manu destruentes , alterâ ædifican-  
 tes. Præmissâ autem vitâ exemplari : cum  
 Olea , Clangite buccinâ in Gabaa & tubâ  
 in Rama. c. 5. 8. Cum Joele , Canite tuba  
 in Sion , ululate in monte Sancto meo , con-  
 turbentur omnes habitatores terra , quia  
 venit dies Domini. c. 2. 1. Sanctificate jeju-  
 nium , convocate cæcum. &c. ibid. v. 15.  
 Clama ne cesses , annuntia populo scelera. Si  
 enim dicente me ad impium : morte morie-  
 ris ; non annuntiaveris ei , neque locutus  
 fueris ut avertatur à via sua impia & vi-  
 vat ; ipse impius in iniquitate sua morietur :  
 sanguinem autem ejus [ id est mortem ,  
 ac damnationem ] de manâ tua requi-  
 ram. Ezech. c. 3. 17.

## 31. Decembris.

**N**on solùm Verbi divini Præconi-  
 bus ; sed etiam quibuslibet Chri-  
 stianis conficiendæ sunt duæ tubæ , qua-  
 rum clangore , tum promissiones , tum

P s

mi-



344 *Domus aeternitatis. Consideratio*  
minas aeternitatis, sibi in memoriam re-  
vocent: ut in auribus eorum identidem  
resonet, quod clamabat S. Theresia, *in*  
*aeternum, in aeternum, in aeternum.* Una  
tuba sonet suaviter, *in aeternum latari,*  
altera terribiliter intonet *in aeternum cru-*  
*ciari: una perpetuò gaudere; altera, sine*  
*sine dolere.* Una exultare in aeternum,  
cum Deo, Angelis & hominibus Sanctis;  
altera torqueri, cum Lucifero, Diabolis  
ac hominibus damnatis. O quales mo-  
tus, quales effectus ejusmodi clangores  
in anima efficient! Utique à malo po-  
tenter retrahent, atque ad omne bonum  
efficaciter impellent. Clangat igitur in  
auribus animæ nostræ, quod S. Hiero-  
nymo, atque ab illo Religiosis suis com-  
mendatum est: *Sive comedas, sive bibas,*  
*sive vigiles, sive dormias, hæc tibi tuba in-*  
*sonet: Surgite mortui, venite ad judicium.*  
Tom. 4. in Reg Monarch. *Venite ad ju-*  
*dicium & secundum hoc, ad optatam, vel*  
*damnatam aeternitatem.*

II. Alia vice, aures arrige, & clamo-  
rem ejus ausculta: audiesque sonum jam  
breviorem, jam prolixiorē: dum tuba  
una



una insonat *nunc*, altera *semper*: geminae  
 hae voces utinam mortalium cordibus  
 assidue insonarent: *Nunc & semper*.  
*Nunc* est vitae praesentis brevitatis: *semper*  
 est vitae futurae aeternitas. *Nunc* cla-  
 mat mundus, laetemur: nunc epulemur,  
 nunc fruamur bonis, dum sunt: & dum  
 mundi affectae, ad hanc tubam tantum  
 attendunt, & aurem utramque attol-  
 lunt; vivunt perinde, ac si illud *semper*,  
 nunquam futurum esset: ideo caltra  
 non movent, peregrinos se esse oblivif-  
 cuntur: clangor que illius *nunc*, adeo  
 aures illorum obtundit; ut ad optima  
 monita surdi, secuturum *semper* non au-  
 diant. Qui vero utriusque tubae sonum,  
 id est, concisum & prolixum percipiunt:  
 terrena ut brevitas ac vilia despiciunt; æ-  
 terna vero, ut diuturna ac pretiosa am-  
 biunt; atque ad iter aeternitatis strenue &  
 serio se accingunt.

III. Quare, ô fili lucis! perpende in-  
 time, dictum tubae utriusque clango-  
 rem: *Nunc & semper*. *Nunc* vitae nostrae  
 suas quidem habet voluptates, habet di-  
 vitias, habet honores: sed, quamdiu du-



346 *Domus aternitatis. Consideratio*  
rant? Non nisi uno *nunc*; id est uno mo-  
mento, seu puncto temporis: quia in  
ictu oculi clauduntur omnia. Quid, ob-  
secro, est universa vita nostra? *Dies an-*  
*norum nostrorum* ait David, *septuaginta*  
*anni*; *si autem in potentatibus octoginta*,  
Psal. 89. Et quid sunt septuaginta aut  
octoginta anni ad aternitatem? Nil nisi  
unum *nunc*; nil nisi gutta ad mare, are-  
na ad montem, atomus ad totum aërem.  
Omnia igitur bona mundi; quibus ha-  
ctenus Reges, Principes, & mortales  
omnes gavisi sunt, & hodieum gau-  
dent, in comparatione longissimæ ater-  
nitatis, non sunt nisi fumus & umbra, si-  
cut & ipsa vita, aliud non est, nisi

*Somnus, bulla, vitrum, glacies, flos, fabu-*  
*la, fœnum,*

*Umbra, cinis, punctum, vox, sonus, aura,*  
*nihil.*

Oppone huic nunc umbratili, stabile  
illud *semper*, *semper*: aut *semper* vi-  
vere in cœli deliciis, aut *semper* crucia-  
ri in Orci flammis; & veritatem clarè  
perspicies.

*Para-*



*Parænesis.*

**Q**Uare, ô homo ! si sapiſ, bene apprehende illud *nunc*, ſeu brevitate[m] vitæ præſentis ; & longum illud, infinitumque *ſemper* futuræ æternitatis. O nunc quàm breve & nihil es ! O *ſemper*, quàm longum & magnum es ! O Mundi & vanitatum ejus amator confer hæc in corde tuo, ſedulò ac ſæpenu-mero : ſonet crebrò in auribus tuis, gemina hæc tuba æternitatis ; & clarè videbis, nil grande, nil pretioſum, & admirabile, nil æſtimatione dignum, nil altum, nil verè laudabile & deſiderabile eſſe, niſi quod æternum eſt, & quod *ſemper* eſt. Ac proinde quàm firmiſſimè ſtatues ; propter breve *nunc*, non te in barathrum pœnarum *ſemper* daraturarum præcipitare. *Quid enim prodeſt homini*, ut monet Redemptor noſter, ſi [nunc] *mundum univerſum lucretur, anima vero ſua ( tunc ) detrimentum patiatur.* Matth. c. 16. Et in tartari flammis *ſemper* ardere cogatur ? Ne hoc tibi accidat, audi & ſæpe animo volve S. Pachon-



348 *Domus eternitatis. Consideratio*  
mii monitum: *Ante omnia prae oculis ha-*  
*beamus ultimum diem: & momentis sin-*  
*gulis, aeternorum dolorum supplicia for-*  
*midemus.*

*Epilogus.*

**H**isce, mi Lector, considerationibus,  
in singulos anni dies, distributis,  
finem & coronidem imponimus. In pri-  
ma parte consideravimus aeternitatem;  
in secunda aeternitatem beatam; in tertia  
damnata; in quarta impedimenta &  
adjumenta: ut autem illa amoveas, haec  
verò perquam studiosè adhibeas, excitet  
utraque aeternitas, beata aequè ac dam-  
nata. Animet te, de qua paulò antè dixi-  
mus, tuba aeternitatis; quæ identidem,  
maximè, in peccandi periculis, auribus  
tuis insonet: *Aeternitas! aeternitas! O*  
*quàm longa es aeternitas! salus aeterna,*  
*damnatio aeterna: ô quanti momenti res.*  
Quodsi verò, hujus tubæ clangorem,  
quod absit, audire detrectaveris: audies  
aliquando, certò certius, tubam illam  
novissimam, auribus tuis tono terribili  
insonantem: *Surgite mortui, venite ad ju-*  
*dicium:*



*dicium: quoniam ipse Dominus (Christus  
Judex) in jussu & in voce Archangeli, &  
in tuba Dei, descendet de celo, & mortui,  
qui in Christo sunt, resurgent primi. 1.  
Thessal. c. 4. 15. Hæc tuba, primò te &  
omnes homines excitabit à mortuis, ci-  
tabitque ad judicium: deinde electos vo-  
cabit ad solennitatem ac lætitiã æter-  
næ beatitudinis; denique reprobos ter-  
rore perculsos, vocabit ad gehennam, &  
barathrum æternæ damnationis.*

*Cogita, quæso, benevole lector, quis  
tibi tunc futurus sit sensus: si impedi-  
menta salutis non amoveris, sed amave-  
ris; si adjumenta neglexeris: si in hac  
vita rebus terrenis & vitiis immerfus, cæ-  
lestia & æterna oblivioni dederis. O  
qualis, in illa hora, te angustia, consterna-  
tio ac palpitatio invadet? in illa, inquam,  
hora, de qua S. Joannes Apostolus c. 5.  
28, ait: *Venit hora, in qua omnes qui in  
monumentis sunt, audient vocem ejus  
[Filius Dei] & procedent, qui bona ege-  
runt in resurrectionem vite; qui vero ma-  
la egerunt, in resurrectionem judicii [dam-  
nationis æternæ]* Tunc inquit S. Chry-  
sostomus,*



350 *Domus aternitatis. Consideratio*  
Iostomus, hom. 8. in epist. ad Theff. Vox  
audietur Archangeli & sonitus tubarum;  
qualis igitur tremor, qualis timor eos,  
qui in terra tunc erunt qui iudicem ex-  
spectabunt, obtinebit? Unus namque  
accipietur & unus relinquetur. Quis  
erit tunc animus illorum: quando istos  
quidem sublatos videbunt [in caelum]  
se verò ipsos relictos? An non quavis  
gehennâ terribilius, eos, ista dejectos ac  
consternatos reddere poterunt? Finga-  
mus itaque sermone, jam illud adesse.  
Si enim mors repentina, aut civitatum  
motus, & reliquæ minæ animos nostros  
ita concutiunt: quando viderimus ter-  
ram diruptam, & his omnibus refertam,  
quando audierimus tubas, quando vo-  
cem illam Archangeli, quavis tuba cla-  
riorem perceperimus, quando caelum  
hoc undique sursum evectum & con-  
tractum, quando ipsum adventantem  
Deum, Regem omnium viderimus; quis  
tunc nobis animus erit? *Tunc dicent*  
*montibus cadite super nos & collibus ope-*  
*rite nos, arescentes, præ terrore &*  
*horrere.*

Ac



Ac demum, quod terribilium omnium  
terribilissimum est, auditâ decreto-  
riâ & irrevocabili iudicis sententiâ : *Dis-  
cedite à me maledicti in ignem aeternum,*  
velut fulmine ac tonitru percussi, descen-  
dent vivi in infernum, & claudentur ibi  
in carcere : in quo, heu dolor ! nulla sa-  
lus, nulla quies, nulla remissio, nulla re-  
levatio, nulla recreatio, nulla medicina,  
nulla pausa, nulla auxilia, solatia nulla,  
nec è caelo, nec è terra, nec à rebus præsen-  
tibus, nec à futuris, nec à præteritis, un-  
quam sunt speranda. Quia lata est senten-  
tia, clausa est janua, omnis spes penitus  
est præcisa. Quidquid enim ibi est, nil nisi  
pœna, æternumque tormentum est ; &  
sine remedio est : nam supra damnatos,  
paradisus est, sed æternum clausus : aby-  
sus infra est, sed nunquam referanda, an-  
te ipsos tormentorum omnium æterni-  
tas ; ponè ipsos, amissæ voluptatis ama-  
rissima memoria, à dextra tortores dia-  
boli ; à læva pœnarum socii intra ipsos  
fames & sitis, horror & pavor, fletus &  
stridor, dolor & pœnitentia, perturba-  
tio & confusio desolatio & lamentatio,  
despe-



352 *Domus aternitatis. Consideratio*  
desperatio & maledictio aeterna. Et in  
his poenis, ô chare Lector ! tu quoque  
situs, fixus, immerfus, sepultus, immo-  
tus, tortus & *perditus in aeternum eris.* Je-  
rem. c. 51. 26. si in peccato, etiam unico,  
lethali, diem tuum, quod Deus avertat,  
obieris. Ne verò id tibi contingat, saepe  
nunc sonet in aures tuae, aeternitatis tuba:  
sæpe, per salutem tuam obtestor te, annos  
aeternos in mente habe: aeternitatem cogi-  
ta, aeternitatem considera, aeternitatem ju-  
giter gere in memoria: & sapient tibi cæ-  
lestia vilescunt omnia transitoria: *nihil*  
*enim tantum valet, ad spernendam præ-*  
*sentem vanitatem; quam cogitare jugiter*  
*aeternitatem.* S. Bern. Tom. 3. ser. de reg.  
cæl. Sicque perpetua evades inferni sup-  
plicia, & gaudia cæli adipisceris sempiterna.  
Quod tibi, & mihi, & omnibus  
per infinitam misericordiam; & clemen-  
tiam suam, largiatur benignissimus  
Deus Pater & Filius & Spiri-  
tus sanctus. Amen.



ORA-